



Olav Henden

Født 30.09.1942 Død 19.09.2019

*Fjell kyrkje
Tirsdag 1. oktober 2019*

*Ognedal/Hovland: Himmelhøge sti
Solosang ved Vivian Steinsland*

Åpningssalme

Lei, milde ljøs, igjennom skoddeim,
lei du meg fram!
Eg går i mørke natt langt frå min heim,
lei du meg fram!
Før du min fot; eg treng ei sjå min veg
så langt og vidt - eit steg er nok åt meg.

Du veit det vel, eg bad ei alltid så:
Lei du meg fram!
Eg ville velja sjølv min veg, men no
lei du meg fram!
Eg ville leva fritt, var stolt og strid
og stor i mod - å, gløym den dårskaps tid!

Di makt hev signa meg, då veit eg visst:
Du leier enn
i myr og fjell og hei, og så til sist
ein morgon renn,
då til meg smiler engleåsyn blid,
som eg hev elska før, men mist ei tid.

*Johannes Kleppevik: Den siste sjømann
Solosang ved Vivian Steinsland*

Før talen

Gje meg handa di ven når det kveldar.
Det blir myrkt og me treng ei hand.
Lat dei ljose og venlege tankar,
fylgje oss inn i draumars land
Lat varmen frå ein som er glad i deg,
tenna stjerner i myrkaste natt.
Gje meg handa di ven når det kveldar.
Det blir myrkt og me treng ei hand.

Varme tankar og hender som trøystar
er som sol over frosen jord.
Kjenne varmen frå ein som er nær deg
gjev langt meir enn store ord.
Lat varmen frå ein som er glad i deg,
tenna stjerner i myrkaste natt.
Gje meg handa di ven når det kveldar.
Det blir myrkt og me treng ei hand.

Herrens bøn

Vår Far i himmelen!
Lat namnet ditt helgast. Lat riket ditt koma.
Lat viljen din råda på jorda slik som i himmelen.
Gjev oss i dag vårt daglege brød,
og tilgjev oss vår skuld, slik vi òg tilgjev våre skuldnarar.
Og lat oss ikkje koma i freisting,
men frels oss frå det vonde.
For riket er ditt og makta og æra i all æve. Amen.

Etter talen

Å leva, det er å elska
det beste di sjel fekk nå;
å leva, det er i arbeid
mot rikare mål å trå.

Å leva, det er i livet
å finna det største verd;
å leva, det er å vinna
til sanning i all si ferd.

Å leva, det er å leggja
all urett og lygn i grav,
å leva, det er som havet
å spegla Guds himmel av.

*Erik Bye: Vår beste dag
Solosang ved Vivian Steinsland*

Organist Aasmund Brekke

Før jordpåkastelsen

Fager kveldsol smiler
over heimen ned,
jord og himmel kviler
stilt i heilag fred.

Berre bekken brusar
frå det bratte fjell,
høyr, kor sterkt det susar
i den stille kveld!

Etter jordpåkastelsen

Ingen kveld kan læra
bekken fred og ro,
ingi klokke bera
honom kvilebod.

Så mitt hjarta stundar,
bankande i barm,
til eg eingong blundar
i Guds faderarm.

Prest Knut Kaldestad

*Ei varm takk til alle som
var med oss i dag.*

Familien

*Minneside for Olav
er opprettet på
www.sotraomegn.no*

Sotra Omegn



BEGRAVELSESBYRÅ

- En del av Koba Christensen gruppen

www.sotraomegn.no

Tlf: 56 32 08 90